

太上無極蒼墟東華王公木父寶懺

職司醫院通洽真君石守堅敬撰

起讚

稽首王公木父尊 蒼靈碧海拱居宸 道在無為成妙化

身常清靜隱金身 統理乾健諸法子 天地神仙賴轉昇

於今啓醮朝天闕 頂禮焚香謁上真 齊俯首 納微忱

惟願仙鑾一降臨 大地太平春

大聖東華木父大天尊 三稱

淨心神咒

太上台星 應變無停 驅邪縛魅 保命護身 智慧明淨

道藏輯要

木父懺

三

柳集一
川上支

心神安甯 三魂永久 魄無喪傾

淨口神咒

丹朱口神 吐穢除氛 舌神正倫 通命養神 羅千齒神

却邪衛真 喉神虎賁 氣神引津 心神丹元 令我通真

思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎

隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈 左社右稷

不得妄驚 回向正道 內外澄清 各安方位 備守壇庭
太上有命 搜捕邪精 護法神王 保衛誦經 皈依大道
元亨利貞

淨天地神咒

天地自然 穢氣分散 洞中玄虛 晃朗太元 八方威神
使我自然 靈寶符命 普告九天 乾羅怛那 洞罡太玄
斬妖縛邪 度人萬千 中山神咒 元始玉文 持誦一遍
却病延年 按行五嶽 八海知聞 魔王束首 眞聖衛軒
兇穢消散 道德成全

金光神咒

道藏輯要

木父懺

圭

柳集一
川文上

天地玄宗 萬炁本根 廣修億劫 證我神通 三界內外
惟道獨尊 體有金光 覆映我身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰 金光速現
覆護真人

祝香神咒

道由心洽 心假香傳 香爇玉爐 心存帝前 眞靈下盼
仙旆臨軒 令臣關告 徑達九天
伏以

洪濛初剖清甯虛中四維立而八極張五嶽峙而九霄位不有
管轄之聖神誰作綱維之主宰以故西華瑤池專司則有金母
東極碧海秉政則有木公是皆與天地而並生歷悠久而無息
臣等忝列玄門仰稽道範爰設齋壇恭迎仙趾謹焚真香虔誠
先啓

紫府玄祖大天尊

三清三境大天尊

昊天玉皇大天尊

后土掌劫大天尊

圓明道姥大天尊

道藏輯要

木父懺

圭

柳集一

日帝月皇大天尊

南辰北斗大天尊

五方五老大天尊

九霄九宸大天尊

十極十華大天尊

三元三品大天尊

文武二聖大天尊

金闕四相大天尊

六洞仙祖大天尊

青陽啓派大天尊

正陽傳派大天尊

純陽主派大天尊

海陽嗣派大天尊

重陽演派大天尊

南宗紫陽一祖真君

南宗翠玄二祖真君

南宗紫賢三祖真君

南宗泥丸四祖真君

南宗海瓊五祖真君

北宗演教邱祖真君

道藏輯要

木父撰

書

柳集一

北宗廣教劉祖真君

北宗嗣教譚祖真君

北宗頌教馬祖真君

北宗翼教郝祖真君

北宗洪教王祖真君

北宗體教孫祖真君

天仙二祖宏教真君

玉宸少宰宏濟真君

職司醫院通洽真君

洞天福地諸位仙真

正一天師清微弟子 洪百堅 製作

道教學術資訊網站

十洲三島諸位仙真

東極蒼靈從事諸真

城隍社令祀典神祇

悉仗真香普同供養

至心朝禮

西華太妙金母無上元君 九拜

讚

東華教主 碧海真師 炁分元始鍊蒼墟 仙籍賴運味

淵默高居 化育洽清虛

大聖東華木父天尊 三稱

道藏輯要

木父儀

書

卷一

至心皈命禮

清微大道無極神君元始之化炁分真紫府之潛龍勿用稱帝於方諸之山職掌天階仙籍立闕於碧海之上道稱化育羣生三官有管轄之司八帝為無為之座屆期登臺南顧宛爾紫炁東來湛寂真靜誕迺立功無上之君羣真之祖大悲大願大聖大慈東華大司命少陽帝主王公木父天尊

臣等伏聞

潛德幽深揚詡而德始著榮光韜晦拂拭而光斯昭有如太璞之蘊於中一似秋水之藏於匣緬維

王公木父從元始之化炁生蒼墟之妙天寂靜而麗於空恬淡

而高其養居然禮樂之無聲體未見色聲之或震大擬於北辰
之居所若合符焉宛乎南極之溟深庶幾近之臣等忝列玄門
仰稽大德不亟頌揚疇知聖概以今公同法侶謹執真香清潔
齋壇瞻雲叩拜

至心朝禮

東華大司命少陽帝君王公木父天尊三十拜

東華從事遷轉真官

東華從事校品仙真

讚

萬仙宗祖 無極神君 凝神湛寂樂天真 啓迪日維新

道藏輯要

木父讚

壹

柳集一

吹萬皆春 薄海荷陶鈞

大聖東華木父大天尊三稱

寶誥一遍

臣等伏聞

有爲之聖倍極經營無爲之君獨高渾穆青宮太乙緋蓮開慈
濟之門震位真王跌鳳宏普化之願是皆東極至人於以聲施
上下若其別居深邃另著高標是維

王公木父湛寂瑤宮弗問羲皇甲子端拱海關幾忘塵世滄桑
渺渺凝玄不侈意於聲靈震疊無無上道並未傳夫鸞鶴翱翔
堪云聖不自聖是謂玄之又玄臣等忝列道門仰稽大德不亟

頌揚疇知聖概以今恭同法侶謹獻時花清潔齋壇瞻空叩拜

至心朝禮

東華大司命少陽帝君王公木父天尊

東華從事遷轉真官

東華從事校品仙真

讚

方諸瑤圃 俯鎮扶桑 無為妙化歛神光 四海煦和陽

蒼闕凝香 高拱壽無疆

大聖東華木父大天尊三稱

寶誥一遍

道藏輯要

木父懺

矣

柳集一

臣等伏聞

登真成道高居仙籍之班駕鶴駉鸞仰觀凌霄之殿遷轉有階
功修殊等總歸統轄之司獨擅羅天之掌緬維

王公木父職司乾道咸叨大父恩光統理仙材羣沐真師化雨

希聖作聖成聖恆善誘而甄陶地仙神仙天仙均按功而薦拔

是仙皆隸門下無聖不謁東華未爽丁卯之期會應登臺之望

臣等忝列道門仰稽大德不亟頌揚疇知聖概以今恭同法侶

謹酌清泉清潔齋壇瞻天叩拜

至心朝禮

東華大司命少陽帝君王公木父天尊三拜

東華從事遷轉真官

東華從事校品仙真

回向

伏念紫府虛無九天布彌綸之化玉清浩渺聖境皆空洞之天
冲漠無倪摹擬絕迹窺之莫窮其妙仰之益見其高端拱而宅
幽玄凝神而處清靜欽維

王公木父逍遙碧海之中淵默蒼靈之闕化不可測疇其測之
聖不可知孰克知之臣等備攷玄緯尚溯瑶編既力竭夫推崇
用情深乎祇載以今齋壇醮竣朝禮周圍瞻望雲衢傾心感戴
為上良因再申稱念

道藏輯要

木父懺

卷

柳集一
1183

東華木父大天尊

三稱

覃恩不可思議功德

收讚

天仙至聖

咸賴陶鎔

祥雲瑞靄盡朝東

蒼翠護瑤宮

一氣青空

曉日初曛

惟願大司命

普振玄風

大聖木公返照大天尊

三稱

太上無極蒼墟東華王公木父寶懺

廣化弟子惠覺校訂